

# ახალი ხევი

საქართველოს კომპარტიის ყაზბეგის რაიკომისა და შრომელთა დეპუტატების რაისაბჭოს აღმასკომის ორგანო  
АХАЛИ ХЕВИ - Орган Казбегского райкома компартии Грузии и райсовета депутатов трудящихся.

ბაზოქონის 25-ე ნომერი  
№ 20 (1529)  
ხუთშაბათი  
8  
მარტი  
1956 წ.

ფასი 10 კპვ.

ახლა განსაკუთრებით ცხადია, თუ რა დიდი ზედნიერება იყო ლენინის შემდეგ სსრ კავშირის კომუნისტურ პარტიას სათავეში ჩაუდგა ამხანაგი სტალინი. თუ ლენინის შემდეგ საბჭოთა ხალხი ძლევამოსილად წყვეტდა თავის საწინააღმდეგარო სტრატეგიულ და ტაქტიკურ ამოცანებს და თავისი სახელმწიფო ესოდენ ძლიერი და, ამავე დროს, მთელი მსოფლიოს მშრომელი ადამიანებისათვის სულიერად ესოდენ მახლობელი გახდა. — ეს, უწინარეს ყოვლისა, ჩვენი პარტიის დიდი ზედიზე — ამხანაგ სტალინის, სტალინური ხელმძღვანელობის უდიდესი ისტორიული დამსახურებაა.  
აი რატომ არის, რომ ასე ძლიერია მშრომელთა რწმენა სტალინის გენიისადმი, ასე დიდია საბჭოთა ხალხისა და მთელი მსოფლიოს მშრომელთა სიყვარული ამხანაგ სტალინისადმი.  
3. ბ. მ. მ. მ. მ. მ.

## დიდი სტალინი

სამი წლის წინათ, 1953 წლის 5 მარტს, საღამოს 9 საათსა და ორმოცდაათ წუთზე შეწყდა კომუნისტური პარტიის და საბჭოთა ქვეყნის, მთელი მსოფლიოს მშრომელი ადამიანების ბრძენი ბელადის იოსებ ბესარიონის-ძე სტალინის გულის ცემა. მ შ ბ ღ ი უ რ ი სტალინის გარდაცვალებამ უსაზღვროდ დაამწუხარა ყველა პატიოსანი ადამიანის გული. დიდმა სტალინმა ლენინთან ერთად ქვეყნის ტიტანური შრომა გასწია კომპარტიის ორგანიზაციულ-იდეოლოგიური საუკუნელების შემუშავებაში. 1917 წლის დიდი ოქტომბრის რევოლუციის მომზადებაში. იოსებ ბესარიონის-ძემ გამოიჩინა ფოლადისებური ნებისყოფა და ორგანიზატორული უნარი, როცა ახალგაზრდა საბჭოთა სახელმწიფოს წინააღმდეგ საერთაშორისო იმპერიალიზმმა 14 ქვეყნის არმიები დასძრა, რათა „ჩანასახ-შივე მოესპო“ მუშურ-გლეხური ქვეყანა, როცა ჩვენს მიწაზე მიმდინარეობდა სამოქალაქო ომი. სწორედ ამ დროს ვ. ი. ლენინის უშუალო მითითებით ყველაზე პასუხსაგებ ფრონტებზე იგზავნებოდა ი. ბ. სტალინი. ვინ არ იცის, რომ სადაც კი სტალინი გამოჩნდებოდა, იქ მტერი სასტიკად მარცხდებოდა.

როცა გარდაიცვალა კომპარტიის დამაარსებელი და სოციალისტური სახელმწიფოს მეთაური გენიალური ლენინი, სტალინმა კიდევ უფრო მალა ასწია ლენინის დროშა და პარტია და ხალხი წაიყვანა სოციალისტური საზოგადოების მშენებლობის გზით. სტალინმა დაიცვა და შემდგომ განავითარა მარქსიზმ-ლენინიზმი. ჩვენი ქვეყნის ინდუსტრიალიზაცია და კოლექტივიზაცია, ახალი ქალაქებისა და მთელი ახლად დასახლებული რაიონების გაჩენა, ხუთწლიანი გეგმების შემუშავება და მათი განხორციელება, დიდი კონსტიტუციის შექმნა და კავშირებულობა სტალინის სახელთან. ნამდვილად დიდი ზედნიერება იყო ის, რომ სამამულო ომის მრისხანე დღეებში ჩვენ სათავეში გვედგა დიდი სტალინი. ომის შემდგომ წლებში პარტიის მიერ სტალინის ხელმძღვანელობით შემუშავებული გეგმებით მიმდინარეობდა აღდგენითი და ჩვენი ქვეყნის შემდგომი განვითარების სამუშაოები. რევოლუციის გენიალურმა სტრატეგმა და თეორეტიკოსმა სტალინმა, მთელი თავისი სიკოცხლე შესწირა მშრომელთა განთავისუფლებისა და მათი კეთილდღეობისათვის ბრძოლის კეთილშობილურ საქმეს.

### ბ. შივაური

### მწვემსის ნათქვამი ბელადზე

მე შოთას ენა ვინ მომცა,  
ლექსი ვთქვა შენი საფრთხი;  
სიბრძნის უღვევი ზღვა იყავ,  
მზე დიადი და ნათელი,  
შენმა დრომ ავი ადითი,  
ავი ზნე დაგვაგობინა,  
სიყვარულს ვეზიარებით—  
ერი ერს დაგვაგობინა,  
შთა ბარს ნისლევი აყვარა—  
ვარდ-ყვავილებით მოჰუინა;  
სარდალთ სარდალი იყავი—

დღემდე რომ არვინ ყოფილა,  
უკვდავს რას გიზამს სიყვდილი,  
პირზე ღიმილი მოვივა,  
ვერ გაიხაროს დუშმანმა,  
ვერც დავიწყების ლოდინმა—  
შავს ნუ ჩაიცივამ დედაო,  
ცა პირქვე და მხოლოდია;  
სახელად ისიც ვეყოფა,  
მზე შენს მიწაზე შობილა.  
მეც ვნახე, ლენინთან სძინავს—  
ორივე ბელადზე ცნობილა!

## საბჭოთა კავშირის კომუნისტური პარტიის ცენტრალური კომიტეტის კლავში

1956 წლის 27 თებერვალს გაიმართა პლენუმი საბჭოთა კავშირის კომუნისტური პარტიის ცენტრალური კომიტეტისა, რომელიც აირჩია საბჭოთა კავშირის კომუნისტური პარტიის XX ყრილობამ.

პლენუმმა აირჩია საბჭოთა კავშირის კომუნისტური პარტიის ცენტრალური კომიტეტის პრეზიდიუმი შემდეგი შემადგენლობით:

პრეზიდიუმის წევრები: ამხანაგები ნ. ა. ბულგაჩინი, კ. ე. ვოროშილოვი, ლ. მ. კაგანოვიჩი, ა. ი. კირიჩენკო, გ. მ. მალენკოვი, ა. ი. მიქოიანი, ვ. მ. მოლოტოვი, მ. გ. პერვუხინი, მ. ზ. საბუროვი, მ. ა. სუსლოვი, ნ. ს. ხრუშჩოვი;

პრეზიდიუმის წევრობის კანდიდატები: ამხანაგები გ. კ. შუკოვი, ლ. ი. ბრეჟნევი, ნ. ა. მუხიტდინოვი, დ. ტ. შეპილოვი, ე. ა. ფურცევა, ნ. მ. შვერნიკი.

პლენუმმა აირჩია საბჭოთა კავშირის კომუნისტური პარტიის ცენტრალური კომიტეტის სამდივნო შემდეგი შემადგენლობით: ამხანაგები ნ. ს. ხრუშჩოვი — საბჭოთა კავშირის კომუნისტური პარტიის ცენტრალური კომიტეტის პირველი მდივანი, ა. ბ. არისტოვი, ნ. ი. ბელიაევი, ლ. ი. ბრეჟნევი, პ. ნ. პოსპელოვი, მ. ა. სუსლოვი, ე. ა. ფურცევა, დ. ტ. შეპილოვი.

პლენუმმა საბჭოთა კავშირის კომუნისტური პარტიის ცენტრალური კომიტეტთან არსებული პარტიული კონტროლის კომიტეტის თავმჯდომარედ აირჩია ამხ. ნ. მ. შვერნიკი, პარტიული კონტროლის კომიტეტის თავმჯდომარის მოადგილედ — ამხ. პ. ტ. კომაროვი.

## საბჭოთა კავშირის კომუნისტური პარტიის ცენტრალური სარევიზიო კომისია

1956 წლის 27 თებერვალს გაიმართა საბჭოთა კავშირის კომუნისტური პარტიის ცენტრალური სარევიზიო კომისიის სხდომა. ცენტრალურმა სარევიზიო კომისიამ კომისიის თავმჯდომარედ აირჩია ამხ. პ. გ. მოსკატოვი.

## მოინახე ახალგაზრდა მისოკაელები

ჩვენი რაიონის მეცხოველეებს მხარში უდგანან და შრომაში არ ჩამორჩებიან ახალგაზრდები. ბევრი მათგანი თავდადებული მუშაობის მაგალითებს გვიჩვენებს. ამას წინათ თბილისში გაიმართა რესპუბლიკის ახალგაზრდა მეცხოველეთა თათბირი, სადაც მონაწილეობა ჩვენც მივიღეთ. მიუხედავად იმისა, რომ თბილისში გამგზავრების დღეს ამინდი მეტად ცუდი იყო, ამას არ შეუშინებიათ და ჯვრის უღელტეხილი მშვიდობიანად გადავლახეთ. თათბირი საქართველოს სსრ უმაღლესი საბჭოს სხდომათა დარბაზში გაიმართა. ბევრ მონაწილეს ფასიანი საჩუქრები გადასცეს, დააჯილდოეს საპატიო სიგელებით, ბევრის

გვარიც შეტანილ იქნა საქართველოს ალკ ცენტრალური კომიტეტის საპატიო წიგნში. ჩვენი ჯგუფიდან ფოტოაპარატებით და კომკავშირის ცენტრალური კომიტეტის საპატიო სიგელებით დააჯილდოეს ოლა წამალაიძე (სიონი), თინა სოსხიშვილი, ეკატერინე ჩქარული (გორისციხე), საპატიო სიგელები მიიღეს აგრეთვე ნინო გელაშვილი, ეთერ ბულაშვილი, ნადია ლულუშაშვილი (სსო), თენგიზ ქუშაშვილი, ვახტანგ ვალიშვილი და ვაჟა ქუშაშვილი (ყაზბეგი), მედეა გუჯარაიძე (სიონი), ი. ავსჯანიშვილი (გორისციხე), აშქვალ არაბული (ჯუთა) და მ. გელაძე (სიონი).  
ი. ძაბთაძაშვილი, კომკავშირის რაიკომის მდივანი.

## ქალთა საერთაშორისო დღე

დღეს მთელი მსოფლიოს მშრომელები აღნიშნავენ ქალთა საერთაშორისო სოლიდარობის დღეს—8 მარტს.

კაცობრიობის ისტორიაში პირველად დიდი ოქტომბრის სოციალისტურმა რევოლუციამ გაათავისუფლა ქალები და მინიჭა მამაკაცის თანასწორი უფლება.

საბჭოთა ხელისუფლებამ ერთოდ გაუღო ქალებს მეცნიერებისა და კულტურის კარები, შეუქმნა ყველა პირობა ნიჭისა და უნარის განვითარებისათვის. ისინი არიან კომუნისტური მშენებელთა მოწინავე რიგებში, შრომისა და ბრძოლის გმირები.

სამამულო ომში გმირული ბრძოლისათვის 120 ათასი ქალი დაჯილდოებული იქნა ორდენებითა და მედლებით, 8 ათასზე მეტმა მიიღო „სამამულო ომის პარტიზანის“ მედალი, ხოლო საბჭოთა კავშირის გმირის წოდება მიენიჭა 70 ქალს.

ქალები თავდადებულად შრომობენ კომუნისტური მშენებლობის ყველა უბანზე. მარტო სოფლის მეურნეობაში მომუშავე 2.270-ზე მეტ ქალს მინიჭებული აქვს სოციალისტური შრომის გმირის საპატიო წოდება. მათ შორის 200-ზე მეტი ქართველი ქალია.

ქალები აქტიურად მონაწილეობენ აგრეთვე ქვეყნის პოლიტიკურ ცხოვრებაში. ისინი არჩეული არიან სსრ კავშირისა და მოკავშირე რესპუბლიკების უმაღლესი საბჭოებისა და რაიონული საბჭოების დეპუტატებად.

ქალი გარემოსილია საბჭოთა სახელმწიფოს მუდმივი ზრუნვითა და ყურადღებით. მისთვის გარანტირებულია შრომის, დასვენების, განათლების უფლება. მეექვსე ხუთწლიანი გეგმით გათვალისწინებულია ყოველი ღონისძიებით გაჯობესდეს მუშა ქალთა შრომისა და ყოფაცხოვრების პირობები, დამატებით შეღავათები მიეცემათ დედებს, კერძოდ, ვადიდდება ორსულობისა და მშობიარობის გამო შევსებულია ბანგრძლივობა.

პარტიისა და შთავიზების უსაზღვრო ზრუნვით გარემოსილი ქალები კვლავაც ენერგიულად იშრომებენ თავისი სოციალისტური სამშობლოს საკეთილდღეოდ, მისი ძლიერებისა და დიდებისათვის. აღზრდიან კომუნისტური მშენებელ გმირულ თაობას.



ხურათზე, ოთახი და საოჯახო ნივთები სახლისა, სადაც დაიბადა და გაყვანილია ვაჟთა ი. ბ. სტალინი.



# საბჭოთა კავშირის კომუნისტური პარტიის XX ყრილობა

## ყრილობის დღიური

23 თებერვალს ყრილობის დილის სხდომაზე, რომელიც ამხ. გ. ე. ბურკაცკიას თავმჯდომარეობით მიმდინარეობდა, გრძელდებოდა განხილვა ამხ. ნ. ა. ბულგანინის ნოხსენებისა სსრკავშირის სახალხო მეურნეობის განვითარების 1956-1960 წლების მეექვსე ხუთწლიანი გეგმის თაობაზე საბჭოთა კავშირის კომუნისტური პარტიის XX ყრილობის დირექტივების შესახებ.

სიტყვა ეძლევა ამხ. ნ. ი. ბობროვნიკოვს (მოსკოვის პარტორგანიზაციის). იგი შეეხო დედაქალაქის რეკონსტრუქციის საკითხებს.

მეექვსე ხუთწლიანში, ამბობს იგი, მოსკოვის რეკონსტრუქციისათვის დასახულია დაიხარჯოს 25 მილიარდ მანეთზე მეტი. მნიშვნელოვნად გადიდება საცხოვრებელი სახლების, სკოლების, საავადმყოფოების, კულტურულ-საყოფაცხოვრებო დაწესებულებათა მშენებლობა.

შემდეგ გამოდის ამხ. ა. ნ. კოსიგინი. ორატორს მოჰყავს მონაცემები ახალ ხუთწლიანში ძირითადი სამრეწველო საქონლისა და კვების პროდუქტების წარმოების ზრდის შესახებ.

ყველა ქსოვილის წარმოება გადიდება 9.263 მილიონი მეტრით. ფეხსაცმლის გამოშვება 1960 წელს მიაღწევს 455 მილიონ წყვილს. ხუთწლიან დასრულებისათვის შეკერილი ნაწარმი დამზადდება ერთნახევარჯერ მეტი. შაქრის გამოშვება გადიდება ერთი ორად. ეს მთლიანად უზრუნველყოფს მოსახლეობის მოთხოვნილებას შაქარზე და შესაძლებელს გახდის ფართოდ გავაჩალოთ საკონდიტრო და სხვა საქონლის გამოშვება. მეექვსე ხუთწლიანში მთლიანად ჩვენს ქვეყანაში ერთიორად გადიდება ხორცისა და რძის წარმოება. დიდად განვითარდება თევზის მრეწველობა.

ამხ. კ. პ. ორლოვსკი (ბელორუსიის პარტორგანიზაციის) ლაპარაკობს სასოფლო-სამეურნეო არტილის განვითარების კოლმეურნეთა მუშაობაზე, მომავლის გეგმებზე. კოლმეურნეობა აერთიანებს 1.200-ზე მეტ კომლს და აქვს 9 ათასი ჰექტარი მიწა. იგი იღებს დიდ შემოსავალს მეურნეობის ყველა დარგიდან. მეგობრებო! და მებაღეობამ მისცა მას 1,5 მილიონზე მეტი, ხოლო მესხელებამ—7,5 მილიონ მანეთზე მეტი. გასულ წელს კოლმეურნეობამ საშუალოდ ერთ ძროხაზე მიიღო 2.920 კილოგრამი რძე. მეცხოველეობამ სასოფლო-სამეურნეო არტილს მისცა 5,2 მილიონი მანეთი.

შემდეგ სიტყვას ამბობს ამხ. ნ. კ. ბაიბაკოვი. ახასიათებს რა მეექვსე ხუთწლიანის შესახებ

ხეც ყრილობის დირექტივების პროექტის შემუშავების თავისებურებებს, იგი ამბობს, რომ ამ მუშაობაში ფართო მონაწილეობა მიიღეს ჩვენი ქვეყნის მშრომელებმა, რომლებმაც ბევრი ძვირფასი წინადადება შეიტანეს.

ხუთწლიანის მსუბუქებით შრომის ნაყოფიერების გადიდება მხოლოდ ერთი პროცენტით შესაძლებელს გახდის სამუშაო ძალაზე მოთხოვნილება შევამციროთ 165 ათასზე მეტი კაცი. სამრეწველო პროდუქციის თვითღირებულების ერთი პროცენტით შემცირება 1960 წელს მოგვცემს 10 მილიარდ მანეთ ეკონომიას.

ამხ. ტ. ს. მალცევი (კურგანის პარტორგანიზაციის) კონკრეტული მაგალითებით ცხადყოფს, თუ რა უდიდესი უპირატესობა აქვს ნიადაგის დამუშავების ახალ სისტემას, რომელსაც კურგანის ოლქის კოლმეურნეობაში „ლენინის ანდერძში“ იყენებენ.

მიწათმოქმედების კულტურის შემდგომი ამაღლება, ამბობს დასასრულ ამხ. მალცევი, შიითხოვს სერიოზულად შევცვალოთ და გავაუმჯობესოთ ნიადაგის დამუშავების მთელი რიგი იარაღების კონსტრუქციები. აგრეთვე შევქმნათ ახალი მანქანები, რომლებიც შეესაბამებიან აგრონომიის მეცნიერებისა და სასოფლო-სამეურნეო პრაქტიკის მოთხოვნებს.

ამხ. ვ. ა. მალიშევი თავის სიტყვაში შეეხო ტექნიკური პროგრესის პრობლემებს ჩვენი ქვეყნის სახალხო მეურნეობაში.

მრეწველობის ბევრ დარგში, ამბობს ორატორი. ახალი საწარმოები დაპროექტებულია ჯერ კიდევ არა საცესებით თანამედროვე, ხოლო ზოგჯერ მოძველებული ტექნიკის ბაზაზე. ამასთან იყენებენ ნაკლებად ეფექტიან ტექნოლოგიურ პროცესებს და მოძველებულ მოწყობილობებს, რის შედეგად იზრდება კაპიტალდაზანდებათა ხვედრითი წონა ამუშავებული სიმძლავრის ერთეულზე და მათასადასრულ, საქარხნო-საწარმოთა ღირებულება.

ამხ. ბ. პ. ბეშჩევი ლაპარაკობს დირექტივების პროექტით დასახულ უდიდეს მუშაობაზე რკინიგზის ტრანსპორტის განსავითარებლად. ხუთწლიან დასრულებისათვის ელექტრომავლები და თბომავლები შეასრულებენ მთელი ტვირთბრუნვის 45 პროცენტს ნაკლებად 14 პროცენტისა გასულ წელს. ელექტროწვევებზე გადაყვანილი იქნება 8 ათას კილომეტრზე მეტი რკინიგზის ხაზი, მათ შორის ძირითადი მაგისტრალები, რომლებიც ჩვენი ქვეყნის ცენტრს აკავშირებენ ურალთან, ციმბირთან და დონბასთან. თბოწვევებზე გადაყვანი-

ლი იქნება 18 ათასამდე კილომეტრი რკინიგზის ხაზი. დილის სხდომაზე ყრილობის მიესალმნენ უცხოეთის კომპარტიების მთელი რიგი წარმომადგენლები, რომლებმაც დღეღამეები გულთბილად შეხვდნენ.

დანიის კომუნისტური პარტიის სახელით სიტყვა წარმოთქვა ამხ. ა. ლარსენმა. მან თქვა:

თქვენი ყრილობა ცოცხალი დადასტურებაა საბჭოთა კავშირში სოციალიზმის უდიდესი პროგრესისა, მისი უპირატესობისა კაპიტალიზმის სისტემასთან შედარებით. მან ერთხელ კიდევ დაადასტურა ის ფაქტი, რომ საბჭოთა კავშირი მძლავრი ძალაა მშვიდობისმოყვარე კაცობრიობის ბრძოლაში საერთაშორისო დაძაბულობის შეწყველებისათვის, მშვიდობიანი თანაარსებობისათვის და მთელი მსოფლიოს მტკიცე მშვიდობისათვის.

ინდოეთის კომპარტიის სახელით საბჭოთა კავშირის კომუნისტური პარტიის XX ყრილობას მხურვალე ძმური სალაში გადასცა ამხ. აჯაი კუმარ გჰოშმა.

აღმოსავლეთის ხალხებს, თქვა მან, რომლებმაც მოიცილეს კოლონიალიზმის უდიდესი და ესწრაფვიან აღადგინონ თავიანთი ეკონომიკა, საბჭოთა კავშირი მიაჩნიათ ერთგულ მოკავშირედ, საიმედო და უანგარო მეგობრად და ძმად, რომელიც დახმარებს გვთავაზობს რაიმე პოლიტიკო ვალდებულებათა დაუქისრებლად.

ამხანაგების ბულგანინისა და ხრუშჩოვის მოგზაურობა ინდოეთში, აღნიშნავს ამხ. გჰოში, გადაიქცა ინდოეთ-საბჭოთა კავშირის მეგობრობის ეროვნულ დღესასწაულად, რომელშიც მონაწილეობა მიიღეს ყველა კლასმა, ყველა პარტიამ და ხალხის ყველა ფენამ.

ჩვენ დარწმუნებული ვართ, თქვა დასასრულ მან, რომ მსოფლიოს სამი დიდი ქვეყნის—სსრკავშირის, ჩინეთისა და ინდოეთის მეგობრობა განუხრელად გაიზრდება, როგორც მთელი მსოფლიოს მშვიდობის უაღრესად მძლავრი ფაქტორი.

ნორვეგიის კომპარტიის სახელით ყრილობას მიესალმა ამხ. ე. ლევლინი.

მექსიკის კომპარტიის სახელით ყრილობას მხურვალე სალაში გადასცა ამხ. დ. ენსინამ. დილის სხდომაზე გამოაქვეყნეს აგრეთვე თურქეთის, ალბანიისა და კოლუმბიის წერილობითი მიესალმებანი საბჭოთა კავშირის კომუნისტური პარტიის XX ყრილობისადმი.

სალამოს სხდომაზე, რომელიც ამხ. ზ. რ. რაზიმბაბეევს

თავმჯდომარეობით მიმდინარეობდა, კამათში პირველი გამოვიდა ამხ. ვ. ა. კუჩერენკო. იგი დაწვრილებით ეხება ჩვენს ქვეყანაში მშენებლობის საქმის შემდგომ გაუმჯობესებასთან დაკავშირებულ საკითხებს, კერძოდ აღნიშნავს, რომ მშენებელთა შრომის ნაყოფიერება მეექვსე ხუთწლიანის ბოლოსათვის უნდა გადიდეს სულ ცოტა 52 პროცენტით.

სიტყვა ეძლევა ამხ. ვ. ვ. მაცკევიჩს. მან თქვა, რომ საჭიროა გადიდდეს მარცვლელის მოსავლიანობა. ორატორმა ხაზგასმით აღნიშნა, რომ დიდი მნიშვნელობა აქვს მარცვლელის თესვისა და მოსავლის აღების ვადების შემცირებას, პურეულის მოსავლის ცალ-ცალკე აღების გამოყენებას, ჯიშინი თესვების თესვას.

ორატორმა განაცხადა, რომ ახლა თვითეულ ოლქში იქმნება კომპლექსური საცდელი სასოფლო-სამეურნეო სადგურები ან ინსტიტუტები. რომლებსაც ეკისრებათ მეცნიერულ-პრაქტიკულად შეიმუშაონ უაღრესად აქტუალური საკითხები, რომლებიც ოლქის სოფლის მეურნეობის წინაშე დგას.

ამხ. ა. გ. შერემეტიევმა თავისი სიტყვა მიუძღვნა შავი მეტალურგიის განვითარების საკითხებს. ჩვენი მეტალურგია, თქვა მან, ვითარდება ისეთი ტემპით, როგორც უცნობია მსოფლიო ისტორიისათვის. უკანასკნელი 26 წლის მძიმე ფოლადის წარმოების საშუალო წლიურმა მატებამ ჩვენს ქვეყანაში შეადგინა 9 პოცენტით, მაშინ როცა ამერიკის შეერთებულ შტატებში—სულ 2,4 პოცენტი. ინგლისში—2,8 პოცენტი. საფრანგეთში—1 პოცენტი.

თავმჯდომარე აცხადებს: ჩვენი ყრილობის ძისასალმებლად მოვიდნენ ნოიონი პიონერები. დელიკატები და სტუმრები ფეხზე დგებიან, მქუხარე ტაშით ეგებებიან პიონერებს, ცოცხალ ყვავილებსავით დაამშვენეს ბავშვებმა დაობაზის ყველა გასასვლელი, მთელი თავისუფალი სივრცე ტრიბუნებთან.

პროზად და ლექსად დაწერილ მიესალმების ტექსტს კითხულობს რამდენიმე გოგონა და ბიჭი. იგი გამსჭვალულია უანგარო სიყვარულით მშობლიური კომუნისტური პარტიისადმი.

დასასრულ გაისმის მოწოდება: ნორჩო პიონერებო! საბჭოთა კავშირის კომუნისტური პარტიის საქმისათვის საბრძოლველად იყავით მზად! სალუტს აძლევს ასობით ბავშვი, წკრიალა ხმები ერთხულოვნად უპასუხებენ: — მზად ვართ! გოგონებისა და ბიჭების ერთი ჯგუფი პრეზიდენტიმისაკენ

მიექანება. მათ ცოცხალ ყვავილთა თაიგულები მიართვს პარტიისა და მთავრობის ხელმძღვანელებს, აგრეთვე უცხოეთის კომუნისტური და მუშათა პარტიების ხელმძღვანელებს.

ყრილობის დღეღამეები გულთბილად აცილებენ პიონერებს, რომლებიც ტოვებენ დარბაზს.

შემდეგ სიტყვა ეძლევა ამხ. ი. ა. კაიროვს. მან ხაზგასმით აღნიშნა, რომ მეექვსე ხუთწლიანის ერთ ერთი უმნიშვნელოვანესი ამოცანა კულტურის დარგში ის არის, რომ ყველგან განვახორციელოთ საყოფელთაო საშუალო განათლება. ფასდაუდებელია, აცხადებს ორატორი, ამ ამოცანის მთელი მნიშვნელობა. მისი განხორციელება უდიდესი წვლილი იქნება საბჭოთა ქვეყანაში სოციალისტური კულტურის განვითარების საქმეში.

დამსწრენი გულთბილად შეხვდნენ მოძმე კომუნისტური და მუშათა პარტიების წარმომადგენლებს.

ურუგვაის კომპარტიის სახელით ყრილობას მიესალმა გადასცა ამხ. რ. არისმენდემ. მან თქვა:

—საბჭოთა კავშირის კომუნისტური პარტიის გამარჯვებანი, რომლებიც მოიპოვა მან კომუნისმის მშენებლობისა და მშვიდობის შენარჩუნების საქმეში, აგრეთვე მარქსიზმ-ლენინიზმის შემოქმედებითს განვითარებ ში, უდიდესი სტიმულია ჩვენი ხალხის ბრძოლაში ეროვნული და სოციალისტური განთავისუფლებისათვის. ისრაელის კომპარტიის წარმომადგენელმა ამხ. ს. მიკუნისმა განაცხადა:

ჩვენ მთელი სულითა და გულით მივესალმებით დიდი საბჭოთა ხალხის მსოფლიო-ისტორიული მნიშვნელობის უდიდეს წარმატებებს, რომლებსაც მიაღწია მან საბჭოთა კავშირის კომუნისტური პარტიისა და მისი ლენინური ცენტრალური კომიტეტის ნაცადი და ბრძნული ხელმძღვანელობით კომუნისმის მშენებლობაში და მთელი მსოფლიოს მშვიდობის შენარჩუნების საქმეში. შვეიცარიის შრომის პარტიის წარმომადგენელმა ამხ. ე. ვოგმა თქვა, რომ შვეიცარიის მშრომელებს საბჭოთა კავშირი მიაჩნიათ მშვიდობის შენარჩუნებისათვის ბრძოლის მედროვედ.

სალამოს სხდომაზე გამოაქვეყნეს აგრეთვე პორტუგალიის, მალაიისა და ვენესუელას კომპარტიების წერილობითი მიესალმებანი ყრილობისადმი. 24 თებერვალს ყრილობა განაგრძობს მუშაობას.